


Андижон вилояти ҳокимлиги расмий портали

ЎҚУВ-АМАЛИЙ СЕМИНАР



Андижон давлат университетида Ўзбекистон Республикаси Вазирлар Махкамаси ҳузуридаги “Оила” илмий-амалий тадқиқот маркази Андижон вилояти бошқармаси қошида ташкил этилган “Махсус ўқув курси”нинг очилишига бағишиланган ўқув-амалий семинар ўтказилди.



Унда шаҳар ва туман ҳокимларининг ўринбосарлари, хотин-қизлар қўмиталари раислари, маҳалла фуқаролар йиғинларининг хотин-қизлар билан ишлаш ва оиласларда маънавий-ахлоқий қадриятларни мустаҳкамлаш бўйича мутахассислари иштирок этди.

Ўзбекистон Республикаси Вазирлар Махкамасининг 2018 йил 26 мартағи “Оила институтини мустаҳкамлаш соҳасида кадрларни қайта тайёрлаш ва уларнинг малакасини ошириш бўйича махсус ўқув курслари ташкил этиш тўғрисида”ги қарори ижросини таъминлаш мақсадида ташкил этилган мазкур ўқув курслари 12 кун давом этади. Унда мутахассисларнинг касбий билимлари, қобилиятлари, тажриба ва кўникмаларини кучайтириш, тизимли янгилаб боришга алоҳида эътибор қаратилади.

Ўқув курсининг дастлабки кунида “Оиладаги низолар: омил, сабаб, ифодаланиш формалари, турлари, асоратлари ва олдини олиш йўллари”, “Ўсмирлик даврида психологик ва ижтимоий ўзгаришлар. Ўсмирларнинг репродуктив саломатлиги”, “Суицид ва унинг олдини олиш йўллари. Оиланинг этнопсихологик ва этнохудудий хусусиятлари” каби мавзуларда мутахассисларнинг мъарузалари

тингланди.